

Z A P I S N I K
o izvršenom nadzoru nad radom Asocijacije kompozitora-muzičkih stvaralaca AMUS za 2022.
godinu
član 12. Zakona o kolektivnom ostvarivanju autorskog i srodnih prava

Dana 18. 07. 2023. godine u prostorijama Asocijacije kompozitora-muzičkih stvaralaca AMUS, Skenderpašina br. 1, Sarajevo, ovlašteni službenici Instituta za intelektualno vlasništvo Bosne i Hercegovine su započeli nadzor nad radom kolektivne organizacije, s ciljem da utvrde da li ona obavlja djelatnost kolektivnog ostvarivanja prava autora muzičkih djela u skladu sa izdatom dozvolom, odredbama Zakona o kolektivnom ostvarivanju autorskog i srodnih prava, drugim relevantnim propisima i svojim opštim aktima.

Prisutni:

1. U ime Instituta za intelektualno vlasništvo BiH: Boris Sesar, pomoćnik direktora za budžet, finasijske i računovodstveno - materijalne poslove i Tatjana Vitomir, šef Odsjeka za autorsko i srodna prava.
2. U ime AMUS-a: Lejla Trnčić, generalna direktorica Stručne službe AMUS-a i Sejad Sabljica, direktor Sektora za pravne i opšte poslove Stručne službe AMUS-a.

U postupku nadzora službenici Instituta su pitali sljedeće:

1. Koliko kolektivna organizacija ima redovnih članova, na dan vršenja nadzora?

Direktorica Stručne službe je odgovorila da AMUS ima 840 članova.

2. Koliko nosilaca prava se isključilo iz sistema kolektivnog ostvarivanja prava i koji su to autori i nosioci prava u pitanju (ovo važi samo za one nosioce prava i ona prava za koja je zakonom dozvoljeno da se njihovi nosioci isključe iz sistema kolektivnog ostvarivanja i to pisanom izjavom dostavljenom organizaciji)?

Direktorica Stručne službe je odgovorila da su se četiri (4) autora isključila iz sistema kolektivnog ostvarivanja prava, i to:

Rb.	IME I PREZIME	DATUM ISTUPANJA
1.	Marić Julio	22.02.2022
2.	Latić Muhamed	11.05.2022
3.	Ajanović Senad	17.05.2022
4.	Tuzlić Berin	06.07.2022

3. Da li je organizacija do dana vršenja prethodnog nadzora zaključila novi bilateralni ugovor sa drugom srodnom organizacijom? Ako jeste, sa kojom organizacijom i šta je predmet tog ugovora?

Direktorica Stručne službe je odgovorila da u 2022. godini AMUS nije zaključivao nove recipročne ugovore sa stranim kolektivnim organizacijama.

4. Da li je organizacija, u rokovima propisanim bilateralnim ugovorima izvršila isplatu naknada stranim srodnim organizacijama sa kojima ima zaključen ugovor o međusobnom zastupanju?

Direktorica Stručne službe je odgovorila da je AMUS je u 2022. godini izvršio isplatu autorskih naknada stranim kolektivnim organizacijama u iznosu od 367.163 KM. Dostavljen je tabelarni prikaz isplata stranim kolektivnim organizacijama, kako slijedi:

1	SAZAS	15.018 KM
2	PERFORMING RIGHT SOCIETY	13.002 KM
3	PAM	1.643 KM
4	BUMA	642 KM
5	SOKOJ	197.365 KM
6	HDS ZAMP	130.132 KM
7	ZAMP MAKEDONIJA	4.024 KM
8	BMI AMERIKA	5.337 KM

5. Da li su strane organizacije sa kojima domaća organizacija ima zaključen bilateralni ugovor blagovremeno isplatile naknadu za iskorišćavanje domaćih autorskih djela odnosno srodnih prava u inostranstvu i dostavile odgovarajuće informacije na osnovu kojih domaća organizacija može te naknade da isplati domaćim nosiocima prava?

Direktorica Stručne službe je odgovorila da je AMUS je u 2022. godini naplatio naknade za korištenje autorskih muzičkih djela od stranih kolektivnih organizacija u iznosu od 188.203 KM. Dostavljen je tabelarni prikaz uplata stranih kolektivnih organizacija, kako slijedi

SAZAS	41.782 KM
MUSICAUTOR	3.256 KM
PAM	39.097 KM
SUISA	16.863 KM
AKM	13 KM
BMI	917 KM
BUMA	697 KM
KODA	530 KM
SOKOJ	81.397 KM
ZAMP MAKEDONIJA	3.651 KM

6. Na koje brojeve računa i kod kojih banaka korisnici autorskih djela odnosno srodnih prava uplaćuju naknadu domaćoj organizaciji?

Direktorica Stručne službe je odgovorila da se autorske naknade od korisnika uplaćuju se na sljedeće račune:

UniCredit banka d.d. račun broj: 338-690-226-589-140-3

Union banka račun broj: 102-708-000-005-738-4

7. Koliko je ukupno bilo prigovora nosilaca prava na obračun naknada u prethodnoj kalendarskoj godini za prethodnu obračunsku godinu a koji su dostavljeni nadležnom tijelu ili organu organizacije? Koliko je prigovora nosilaca prava na obračun naknada usvojeno u cijelosti a koliko je odbačeno ili odbijeno?

Direktorica Stručne službe je odgovorila da je za period druga polovina 2021. godine evidentirano je 8 osnovanih žalbi i 6 neosnovanih žalbi. Za period isplate koji se odnosi na prvu polovinu 2022. godine evidentirano je 11 osnovanih žalbi i 12 neosnovanih žalbi.

8. Podaci o obradi košuljica, procenat urednih i neurednih košuljica?

Direktorica Stručne službe je odgovorila da urednost dostavljenih košuljica iznosi 70%.

9. Uzorak radio i televizijskih stanica, način formiranja uzorka s detaljnim obrazloženjem sa osvrtom na međunarodnu praksu u odnosu na to pitanje?

Direktorica Stručne službe je dostavila sljedeće obrazloženje:

U skladu sa navedenim internim aktima usvojenim na Skupštini, te članu 7. Pravilnika o raspodjeli naknada od kolektivnog ostvarivanja autorskih muzičkih djela AMUS-a, sektor za Distribuciju, analizu i obradu podataka, raspodjelu i međunarodnu saradnju po pitanju uzorka radio i televizijskih stanica postupa na sljedeći način: da bi kolektivna organizacija mogla izvršiti obračun i raspodjelu naknade autorima potrebne su dvije kumulativne komponente, što podrazumijeva da korisnici ispune zakonom propisane obaveze, a to su: plaćanje autorske naknade (čini novčani iznos prikupljen od strane od korisnika povodom korištenja muzičkih autorskih djela koje čine repertoar AMUS-a); dostavljanje programskih podataka odnosno liste emitovanih djela (korisnik autorskih muzička djela koja čine repertoar AMUS-a ima zakonsku obavezu da iste dostavi kolektivnoj organizaciji). Također, važno je napomenuti da po članu 5. Ugovora o neisključivom ustupanju prava korišćenja muzičkih djela s repertoara AMUS-a, korisnik je obavezan dostaviti liste emitovanih djela u formi koju propisuje AMUS, kako bi dostavljeni fajlovi bili kompatibilni sa COSIS softverskim programom koji Udruženje koristi.

Uzorak se formira na način da se svi elektronski mediji koji ispune navedene uslove i obaveze propisane Ugovorom, selektiraju prema regionalnoj i žanrovskoj zastupljenosti što je propisano Pravilnikom o raspodjeli naknada od kolektivnog ostvarivanja autorskih muzičkih djela AMUS-a, usvojenom od strane Skupštine.

Međunarodna praksa predviđa mogućnost uzorkovanja u skladu s dokumentom BTC16-0183R1 kojeg je usvojio Business Technical Committee CISAC-a u 2017. godini, a koji predstavlja urnek pravila o raspodjeli za kolektivne organizacije, članice CISAC-a. (stranica br.9 "sampling/uzrokovanje"- distribuiranje tantijema na osnovu svakog konkretnog korišćenja). Prema navedenom dokumentu kolektivna organizacija može utvrditi raspodjelu tantijema od pojedinog korisnika koristeći analizu reprezentativnog uzorka korištenja muzike tog korisnika." Na osnovu urneka usaglašen je Pravilnik o raspodjeli naknada od kolektivnog ostvarivanja autorskih prava povodom muzičkih djela, a u skladu s pravilima CISAC-a i s najboljom praksom sestrinskih kolektivnih organizacija. AMUS obrađuje i vrši distribuciju na maksimalnom uzorku emitera.

10. Koliko su ukupno planirani troškovi poslovanja, a koliki su realizovani rashodi?* Kada je Skupština usvojila finansijski plan, te da li se rashodi planiraju i usvajaju na analitičkim knjigovodstvenim kontima?

Direktorica Stručne službe je odgovorila da su planirani troškovi su 2.198.000 KM, a realizovani troškovi su 2.144.383,00 KM.

Skupština je usvojila finansijski plan za 2022. godinu na Skupštini koja je održana 24. 06. 2021. godine, a rashodi se planiraju i usvajaju na analitičkim knjigovodstvenim kontima.

****Rashode obavezno popuniti na temelju Bilance uspjeha i Bruto bilance korisnika (navedeni dokumenti su sastavni dio ovoga izvješća)***

11. Koliko je naplaćeno sredstava u godini koju kontrolišemo, a koliki je bio ukupan prihod?*

Direktorica Stručne službe je odgovorila da je u 2022. godini naplaćeno 7.280.540 KM.

Ukupan prihod je bio 6.421.055 KM.

****Obavezno popuniti na temelju Bilance uspjeha i Bruto bilance korisnika (navedeni dokumenti su sastavni dio ovoga izvješća)***

12. Koliki su ukupni troškovi poslovanja procentualno u odnosu na naplaćena sredstva, a koliki u odnosu na ukupan prihod?

Ukupni troškovi u odnosu na naplaćeno iznose 29,45% (2.144.383 KM / 7.280.540,00 KM).

Ukupni troškovi u odnosu na ukupan prihod iznose 33,40% (2.144.383 KM/6.421.055 KM).

13. Da li je Skupštini prezentovano ko je sve angažovan za obavljanju poslova u KO za konsultantske usluge, ugovore o djelu, ugovore o autorskom djelu, advokatske usluge i sl.?

Direktorica Stručne službe je odgovorila da je na sjednici Skupštine, održane 12.05.2023. godine, u okviru materijala za Skupštinu, članstvu dostavljen detaljan prikaz troškova za 2022. godinu i Izvještaj o izvršenoj analizi poslovanja AMUS-a za 2022. godinu.

14. Sukladno Bilanci Uspjeha i Bruto bilanci korisnika, prikazati tabelarno „grupu konta 4“ – rashode i prihode?

Direktorica Stručne službe je dostavila sljedeće podatke:

400 - Materijal i energija 26.106,85 KM

40000 - Kancelarijski materijal 6.776,73 KM

40001 - Materijal za održavanje čistoće 1.528 KM

40010 - Troškovi električne energije 13.598,57 KM

4006 - Otpis sitnog inventara 4.203,55 KM

401 - Usluge 680.516,97 KM

40111 - Usluga održanja opreme 34.066,24 KM

40120 - Troškovi zakupa 84.740,16 KM

401201 - Troškovi zakupa kopir aparata 2.524,17 KM

40130 - Troškovi reprezentacije 17.974,44 KM

40132 - Troškovi reklame i propagande u zemlji 3.245 KM

40135 - Troškovi licence 18.008,33 KM

40139 - Troškovi FIA 820 KM

40140 - Bankarska provizija 12.685,91KM

40142 - Troškovi usluga prevoda 152,10 KM

40145 - Troškovi putarina 1.188,10 KM

40150 - Troškovi telefona i interneta 13.502,22 KM

40151 - Troškovi komunalnih usluga 6.983,89 KM

401512 - Troškovi savjetovanja, PR 5.940,00 KM

40152 - Troškovi usluga održavanja domena 1.411,12 KM

40153 - Troškovi advokatskih usluga 145.366,66 KM

40137 - Troškovi naknade za smrtni slučaj 4.000 KM

40170 - Troškovi održavanja Skupštine 9.540,86 KM

40156 - Troškovi usluga knjigovodstva 27.755 KM

401571 - Troškovi revizorskih usluga 9.000 KM

40160 - Takse i ostale naknade 143.136,06 KM

40161 - Troškovi usluga hosting paketa 50 KM

40162 - Troškovi usluga štampe 393.30 KM

40164 - Troškovi članarina 480 KM

40166 - Poštanske usluge 33.771,23 KM

40169 - Troškovi usluga parkinga 122,50 KM

40171 - Troškovi oglašavanja putem dnevnih novina i elektronskih portala 11.224,91KM

40175 - Troškovi pranja auta 253 KM

40176 - Troškovi tehničkog pregleda vozila 191,50 KM

40177 - Troškovi osiguranja 1.179,36 KM

401512 - Troškovi savjetovanja 6.900 KM

401341 - Troškovi konsultantskih usluga 52.181,44 KM

40189 - Troškovi sponzorstva 10.000 KM

40143 - Troškovi pripreme i kreiranja skripti 21.706,97 KM

40144 - Troškovi taksi prevoza 22,50 KM

402 - plate i ostala primanja zaposlenih: 3.873.448,75

40200 - Troškovi redovnih plata 813.134,70 KM
40202 - Troškovi ugovora o djelu 27.234,55 KM
40205 - Troškovi ugovora o djelu – Upravni i Nadzorni odbor 60.009,68 KM
40206 - Troškovi ugovora o djelu – predsjedništvo 17.810,76 KM
40210 - Troškovi ugovora o djelu – radno tijelo 59.589,74 KM
40220 - Topli obrok 38.452 KM
40221 - Trošak prevoza radnika 12.085,70 KM
40223 - Troškovi naknade za regres 9.300 KM
40201 - Troškovi autorskih tantijema 2.518.361,80 KM
40209 - Troškovi isplate po Odluci 51.818,67 KM
40246 - Troškovi obrade podataka 87.166,79 KM
40247 - Troškovi za dodatni matching 93.689,46 KM
40248 - Troškovi tehničke saradnje 24.311,82 KM
40249 - Troškovi unapređenja kom mreže 60.483,08 KM

403 - Amortizacija: 18.286,14 KM

4030 - Troškovi amortizacije: 18.286,14 KM

404- Ostali rashodi: 107.257,96 KM

4041- Otpis po Odluci 40.247 KM
4042- Finansijski rashodi iz ranijeg perioda 67.010,96

405 - Putni troškovi: 64.385,50 KM

4055 - Troškovi zapisnika: 4.668,55 KM
4050 - Troškovi utrošenog goriva: 7.605,62 KM
4051 - Troškovi dnevnica u zemlji: 3.764,00 KM
40511 - Troškovi dnevnica u inostranstvu: 3.220,00 KM
4052 - Troškovi noćenja na službenom putu: 21.787,00 KM
4053 - Troškovi korištenja vlastitog vozila na službenom putu: 10.136,17 KM
4055 - Ostali troškovi službenih putovanja: 2.954,58 KM
40521 - Troškovi prevoza na službenom putu: 10.249,58

406 - Humanitarni rashodi: 163.131,08 KM

4060 - Troškovi socijalnih davanja: 43.560 KM
40603 - Troškovi stipendija 14.200 KM
4063 - Troškovi kulturnih namjena: 105.371 KM

408 - Ostali rashodi: 568.929,25 KM

40807 - Troškovi tantijema stranih organizacija: 367.162,58 KM
40808 - Troškovi tantijema publisherima: 201.766,67 KM
408 - Promjena rezervacije: 918.993 KM (višak prihoda nad rashodima, rezerve za isplatu autorskih honorara)

Prihodi - 6.421.055,21 KM

4170 - Prihodi od usluga: 5.588.479,17 KM
4171 - Prihodi od usluga iz inostranstva: 188.734,66 KM

4172 - Prihodi od kamata: 44,14 KM
4174 - Prihodi iz ranijih godina neutrošenih projekata: 25.792,14 KM
4175 - Prihod od advokatskih usluga: 87.433 KM
4176 - Prihod od administrativnih taksi: 46.935 KM
4177 - Prihod po osnovu kamata: 482.942 KM
4178 - Prihodi od naplate šteta 695,10

15. Koliki su ukupni izdaci za sve ugovorene usluge, u bruto i neto iznosu?*

Direktorica Stručne službe je odgovorila da su ukupni izdaci za sve ugovorene usluge su 680.516,97 KM.

****Izdatke za ugovorene usluge obvezno popuniti na temelju Bruto bilance korisnika (navedeni dokument je sastavni dio ovoga izvješća)***

16. Ko unosi košuljice u sistem, a ko provjerava unos u sistem? Da li su definisana pravila i doneseno uputstvo o unosu i kontroli košuljica?

Direktorica Stručne službe je odgovorila da unos košuljica u sistem vrše zaposlenici Sektora za distribuciju i međunarodne odnose, dok se kontrola vrši na principu 4 oka.

Košuljice u sistem unose zaposlenici Sektora za Distribuciju i međunarodne odnose, analizu i obradu podataka, raspodjelu i međunarodnu saradnju. Unos u sistem također provjeravaju kolege iz Sektora i to po uspostavljenom sistemu unutarnje kontrole, odnosno, kada određeni broj zaposlenika unese košuljice, druge kolege iz Sektora provjeravaju taj unos i obruto.

17. Koliko je sredstava raspodijeljeno u godini koja se kontroliše, u neto i bruto iznosu, koliko domaćim autorima, a koliko na osnovu recipročnih ugovora sa stranim organizacijama?*

Direktorica Stručne službe je odgovorila da je autorima raspodijeljeno neto 2.333.571 KM; publisherima 201.767,00 KM, stranim kolektivnim organizacijama 367.163 KM. Porez na dohodak iznosi 184.791 KM. Ukupno je raspodijeljeno: 3.087.292 KM.

****Odgovaraju samo KO koje su imale raspodjelu sredstava, dokumente uskladiti sa Bruto bilancom korisnika***

18. Koliko emitera je ušlo u obračun i da li su obrađene sve „košuljice“?

Direktorica Stručne službe je odgovorila da je za drugu polovinu 2021. godine obrađena 101 košuljica od elektronskih medija. Za period prva polovina 2022. godine obrađeno je 94 košuljice od elektronskih medija.

19. Da li je bilo kontrola od strane drugih nadležnih institucija?

Direktorica Stručne službe je odgovorila da su u kontroli AMUS-a bile sljedeće institucije: Federalno ministarstva unutrašnjih poslova, Porezne uprave FBiH i Finansijska policija. Dokumentacija o izvršenim kontrolama je izuzeta.

20. Koliko je tužbi pokrenuto protiv korisnika, a koliko je presuda doneseno? Koliko je tužbi pokrenuto protiv kolektivne organizacije, a koliko je riješeno?

Direktorica Stručne službe je odgovorila da je AMUS je pokrenuo 159 tužbi protiv korisnika, a riješeno je ukupno 66.

21. Da li je organizacija usvojila dokumenta predviđena članom 20. ZKOASP?

Direktorica Stručne službe je odgovorila da je na Skupštini AMUS-a, koja je održana 24. 05. 2023. godine, usvojeni svi dokumenti predviđeni članom 20. ZKOASP-a.

22. Koliko je sredstava isplaćeno za kulturne, a koliko za socijalne namjene?

Direktorica Stručne službe je odgovorila da je za kulturne namjene isplaćeno 105.371 KM, za socijalne namjene je isplaćeno 43.560 KM, a za stipendije je isplaćeno 14.200 KM.

Službenik Instituta je tražio na uvid pored analitičke glavne knjige i sintetičku glavnu knjigu, koja je dostavljena. Izuzet je i Revizorski izvještaj za 2022. godinu. Uvidom u isti utvrđeno je da je kolektivna organizacija AMUS dobila pozitivno mišljenje o poslovanju za 2022. godinu, sa isticanjem pitanja koji se odnosi na kontrolu Porezne uprave FBiH. Metodom uzorka kontrolisana je i izuzeta finansijska dokumentacija, i to: blagajnički dnevnici AMUS-a (više uzoraka); bankovni izvodi u KM (više uzoraka); plate i naknade za 01/22 i 05/22; isplata tantijema za više autora (obračun i isplata); isplata tantijema stranim kolektivnim organizacijama i KIF-ovi; računi troškova (više uzoraka); troškovi reprezentacije, konsultantski ugovori; troškovi pripreme i kreiranja skripti; troškovi unaprjeđenja i održavanja kompjuterske internet mreže; troškovi za dodatni mečing; troškovi tehničke suradnje; troškovi savjetovanja i PR; troškovi knjigovodstva i troškovi revizije.

Službenica Instituta je tražila zapisnike i odluke Skupštine, Upravnog i Nadzornog odbora u 2022. godini. Na pitanje službenika Instituta koliko je održano sjednica Skupštine, Upravnog i Nadzornog odbora koje se mogu potkrijepiti zapisnicima u 2022. godini, dostavljeni su na uvid zapisnici sa jedne sjednice Skupštine AMUS-a, 16 zapisnika sa sjednica Upravnog odbora AMUS-a, te 5 zapisnika sa sjednica Nadzornog odbora. Kopije zapisnika su izuzete. Uvidom u dostavljene zapisnike i odluke utvrđeno je da su organi udruženja postupali u skladu sa svojim nadležnostima, utvrđenim Statutom. Izuzeti su i ugovori sa korisnicima iz svih kategorija sa obračunom i fakturama za naplatu. Izuzeti su sljedeći ugovori: ugovor zaključen sa BH Telecom DD Sarajevo sa fakturom, ugovor zaključen sa JP Radio Sana d.o.o. Sanski Most sa obračunom i fakturom, ugovor zaključen sa Beral Music Tuzla sa obračunom i fakturom, ugovor zaključen sa Caffè bar Dubrovnik Zenica sa obračunom i fakturom, ugovor zaključen sa hotelom Alm – Tours Jajce, ugovor zaključen sa priređivačem igara na sreću Amoniq d.o.o. Tuzla i ugovor zaključen sa Kismet Doboj Istok. Uvidom u dostavljene ugovore nisu uočene razlike između fakturisane naknade u skladu sa važećom tarifom i naplate naknade.

Izuzete su i Odluke Upravnog odbora AMUS-a broj: O-07-1/22 od 11. 01. 2022. godine i broj: O-24-7/22 od 19. 07. 2022. godine, o isplati tantijema autorima muzičkih djela za drugu polovinu 2021. godine i prvu polovinu 2022. godine. Prema navedenim odlukama ukupan iznos za raspodjelu iznosi 2.753.504,18 KM, za isplatu tantijema domaćim autorima.

Vjerujemo da su temeljem nadzora AMUS-a pribavljeni dokazi dovoljni i odgovarajući i da osiguravaju temelj za mišljenje Instituta.

Mišljenje

Prema mišljenju Instituta, poslovanje Asocijacije kompozitora muzičkih stvaralaca AMUS u 2022. godini je bilo usklađeno sa Zakonom o kolektivnom ostvarivanju autorskog i srodnih prava.

Finansijsko poslovanje udruženja AMUS je u potpunosti prikazano fer i istinito, po svim bitnim pitanjima, na dan 31. 12. 2022. godine.

Isticanje pitanja:

AMUS je dobio kvalificirano mišljenje vezano za **financijska izvješća AMUS-a**. Kvalificirano mišljenje za **financijska izvješća AMUS-a** vezano je za sudski spor sa Poreznom upravom FBiH oko utvrđivanja osnovice za poreze od tantijema. Ponovljena je kontrola direktnih poreza od strane Porezne uprave FBiH, a koji su bitni za razumijevanje finansijskog položaja AMUS-a na referentni datum.

Rješenjem Porezne uprave FBiH br. 13-09-02-15-11-480/15 od 03.06.2016. godine utvrđena je dodatna obveza javnih prihoda u ukupnom iznosu od 383.353 KM, od čega 312.032 KM odnosilo se na dodatno utvrđenu obvezu poreza na dohodak, dok se 71.321 KM odnosilo na obračun zateznih kamata. Rješenje

Porezne uprave FBiH odnosilo se na kontrolirani period 01.01.2010.-25.05.2015. godine. Rješenjem Federalnog ministarstva financija br. 03-15-922/16 od 10.09.2019. godine je potvrđeno prvostupanjsko Rješenje porezne uprave.

Nezadovoljni ishodom upravnog postupka, AMUS podnosi tužbu pred Kantonalnim sudom u Sarajevu, u upravnom sporu protiv Federalnog ministarstva financija, pobijajući Rješenje od 10.09.2019. godine. Kantonalni sud u Sarajevu je, u upravnom sporu tužitelja AMUS-a protiv Federalnog ministarstva financija, radi pobijanja Rješenja broj 03-15-922/16 od 10.09.2016. godine, dana 05.07.2022. godine donio Presudu br. 09 O U 035010 19 U, kojom se tužba AMUS-a uvažava, osporeno drugostupanjsko i prvostupanjsko Rješenje poništava i predmet vraća prvostupanjskom tijelu na ponovni postupak.

Nakon ponovljenog inspekcijskog nadzora u skraćenom postupku, Porezna Uprava FBiH je dana 21. 02. 2023. godine izdala Rješenje o dodatno utvrđenim poreznim obvezama br. 13-9-02-12-30-1312-4/22 (na isti kontrolirani period 01.01.2010. - 25.05.2015. godine) kojim se utvrđuje dodatna obveza javnih prihoda u ukupnom iznosu od 664.308 KM, od čega se 312.032 KM odnosilo se na dodatno utvrđenu obvezu poreza na dohodak (identično prvobitnom Rješenju PU), dok se 352.276 KM odnosi na obračunate zatezne kamate. Na posljednje Rješenje Porezne uprave je blagovremeno uložena žalba br. 0192-GD/23 od 07. 03. 2023. godine (Žalba odlaže izvršenje Rješenja, u skladu sa zakonom o Poreznoj upravi FBiH).

Skrećemo pažnju na sljedeće:

1. Članom 27. stav (3) Zakona o kolektivnom ostvarivanju autorskog i srodnih prava propisano je da je kolektivna organizacija obavezna da o svom trošku elektronskim medijima stavi na raspolaganje kompjuterski program koji će automatski evidentirati emitirana autorska djela koja se mogu elektronskom poštom slati kolektivnoj organizaciji. Potrebno je da AMUS preduzme sve aktivnosti kako bi korisnicima omogućili softversko praćenje emitovanja autorskih muzičkih djela.

Predstavnici AMUS-a mogu iznijeti primjedbe na Zapisnik sačinjen u postupku kontrole. Primjedbe se podnose u roku od pet (5) dana od dana prijema Zapisnika.


Predstavnici AMUS-a nisu imali primjedbi na nacrt Zapisnika.

Ovaj zapisnik je sačinjen u četiri istovjetna primjerka, od kojih dva primjerka zadržava Institut, a dva se dostavljaju kolektivnoj organizaciji AMUS.


Zapisnik potpisuju:

U ime Instituta:

Boris Sesar, pomoćnik direktora Instituta
za budžet, finasijske i računovodstveno
- materijalne poslove



Tatjana Vitomir, šef Odsjeka za autorsko i srodna prava



U ime AMUS-a:

Lejla Trnčić, generalna direktorica
Stručne službe AMUS-a



Sejad Sabljica, direktor Sektora za pravne i
opšte poslove Stručne službe AMUS-a

